



## Concello de Casto Verde

### **BASES CONCURSO DE DISFRACES DO CONCELLO DE CASTO VERDE ENTROIDO 2022**

**PRIMEIRA.-** O desfile e o concurso de disfraces terá lugar o vindeiro domingo día 27 de febreiro. O desfile realizarase cun pasarrúas ás 17:00 horas saíndo da praza do Concello ata o mercado gandeiro, sito no campo da feira. No caso de que fixera mal tempo suspenderase o pasarrúas e realizaríase o desfile directamente no mercado gandeiro.

**SEGUNDA.-** O concurso de disfraces realizarase no mercado gandeiro a partir das 17:30 horas (despois do pasarrúas). Haberá concurso infantil e concurso de adultos, habendo 3 categorías en cada concurso e distintos premios en cada categoría, sendo estes os seguintes:

#### **CONCURSO INFANTIL:**

**Categoría comparsa:** 1º premio: 400 €, 2º premio: 200 €, 3º premio: 100 €, 4º premio: 70 €, 5º premio: 50 €

**Categoría parellas:** 1º premio: 100 €, 2º premio: 60 €, 3º premio: 50 €

**Categoría individual:** 1º premio: 80 €, 2º premio: 50 €, 3º premio: 40 €

#### **CONCURSO DE ADULTOS:**

**Categoría comparsa:** 1º premio: 500 €, 2º premio: 350 €, 3º premio: 200 €, 4º premio: 130 €, 5º premio: 90 €

**Categoría parellas:** 1º premio: 140 €, 2º premio: 100 €, 3º premio: 70 €

**Categoría individual:** 1º premio: 100 €, 2º premio: 70 €, 3º premio: 50 €

**TERCEIRA.-** Os participantes deberán inscribirse ese mesmo día no mercado gandeiro (unha vez finalizado o pasarrúas), deixarase un tempo para realizar as inscricións antes de que comece o concurso.

**CUARTA.-** Enténdese por comparsa aqueles grupos formados por 3 ou mais persoas, 2 persoas enténdese parellas e 1 individual. (Referímonos a persoas que vaian disfrazadas, xa que por exemplo no caso de que algún neno/a pequeno/a queira participar na categoría de individual e teña que ir acompañado de algún adulto, só poderá ir disfrazado o neno, xa que se fora tamén o adulto o xurado entenderá que están participando na categoría de parellas).

**QUINTA.-** No concurso infantil participarán aquelas persoas de idade menor ou igual a 16 anos. No concurso de adultos participarán todas aquelas persoas maiores a 16 anos.

**SEXTA.-** Se nunha comparsa participan persoas menores e maiores de 16 anos (mixtas), deberán presentarse ó concurso que corresponda segundo sexa a maioría dos seus participantes (metade mais un), é dicir, por exemplo: se unha comparsa a forman 10 persoas e 6 delas son persoas menores de 16 anos deberán presentarse ó concurso infantil, e no caso de que das 10 persoas 6 delas foran maiores de 16 anos deberán presentarse no concurso de adultos e así respectivamente. No caso de empate, é dicir, que nunha categoría existira o mesmo número de persoas maiores e menores de 16 anos poderán inscribirse no concurso que eles decidan, é dicir ou ben no infantil ou no de adultos.

No caso da categoría de parellas utilizarase o mesmo método que o anterior.

**SÉTIMA.-** O xurado do concurso estará formado por varias persoas que serán as que se encarguen de valorar cada unha das categorías tanto do concurso infantil como o de adultos, valorarán de 0 a 10 cada un dos seguintes puntos: orixinalidade, simpatía, traballo realizado e posta en escena.

**OITAVA.-** Comezarse primeiramente co concurso infantil e logo co de adultos, o/a presentador/a do concurso irá chamando un por un a cada un dos participantes para que desfilen por diante do xurado e

**Concello de Casto Verde**

Plaza do Concello, nº 2, Casto Verde. 27120 Lugo. Tfno. 982312080. Fax: 982313011



Cod. Validación: 425ZHNSM342Y3SNPHP22Q7EFQ | Corrección: <https://concellocastroverde.sedelectronica.es/>  
Documento asinado electronicamente desde a plataforma xestiona esPublico | Páxina 1 a 2



## Concello de Castroverde

---

realicen o espectáculo que desexen. Se calquera dos participantes solicita que se lles poña un audio concreto no momento da súa actuación deberán entregalo no momento da inscrición no concurso debendo ser en soporte CD ou en PEN-DRIVE (**en cada soporte deberá ir unha única canción**). Para garantir que os distintos soportes de reprodución de audio funcionen correctamente co equipo de megafonía do que dispón o Concello, cada participante, poderá achegarse polo Concello, como data límite 2 días antes da celebración do concurso, en horario laboral e de 9.00 a 14.00 horas para comprobar a súa gravación e así poder verificar o seu correcto funcionamento. Unha vez finalice o concurso os participantes poderán pedir ós organizadores que lles entreguen os seus correspondentes soportes de audio.

**A duración máxima que poderá actuar cada participante no momento da súa actuación será de 3 minutos.**

Aquelas persoas que non traian ningún audio para reproducir durante a súa actuación poñeráselles unha canción aleatoria da que dispoña nese momento a organización.

**NOVENA.-** Os gañadores do concurso recibirán os premios en metálico ese mesmo día. Debendo asinar un recibí no momento da entrega.

**DÉCIMA.-** As medidas da porta da entrada do Mercado Gandeiro son as seguintes: 3,50 m de ancho x 3,20 m de alto.

**DÉCIMA PRIMEIRA.-** Haberá control de acceso ao recinto do Mercado Gandeiro, onde se realizará o concurso de disfraces, sendo obrigatorio presentar o certificado Covid (excepto no caso daqueles nenos aínda sen vacinar debido a que non lles chegou a súa quenda de vacinación), será obrigatorio tamén o uso da máscara en todo momento e manter a distancia de seguridade. A organización deste evento quedará suxeita ás medidas que se poidan establecer en calquera momento polas autoridades sanitarias competentes.

**DÉCIMA SEGUNDA.-** A inscrición neste concurso supón a total aceptación das presentes bases e cada participante responderá sobre a validez dos seus actos, é dicir, o incumprimento dos participantes en calquera dos puntos destas bases exime de responsabilidades ós membros do xurado deste concurso e poderá supoñer, sempre e cando se detecte algún erro, a devolución do premio que houberan recibido indebidamente, podendo aplicarse esta devolución dentro dos 15 días hábiles posteriores ó concurso.

**DÉCIMA TERCEIRA.-** De acordo co establecido no Regulamento UE 2016/679 de Protección de Datos Persoais (RGPD), informámoslle que o responsable do tratamento dos seus datos persoais á hora de inscribirse neste concurso é o Concello de Castroverde con dirección en Praza do Concello, nº 2, CP 27120, Castroverde. (Lugo). Os datos persoais serán empregados para a correcta xestión do Concurso de disfraces “Entroido 2022” organizados polo Concello. Os seus datos persoais non se cederán, salvo que exista una obriga legal para elo. Vostede ten dereito a acceder, rectificar ou suprimir os seus datos, así como outros dereitos,, tal e como se explica na información adicional e detallada de protección de datos, que pode consultar na oficina da entidade sita na dirección arriba indicada ou ben solicitándoa a través da sede electrónica do Concello: <https://concellocastroverde.sedelectronica.es/info.0>

Asdo.: M<sup>a</sup> Pilar Ferreiro Villar  
Concelleira Delegada de Cultura, Deporte,  
Educación e Xuventude

---

**Concello de Castroverde**

Plaza do Concello, nº 2, Castroverde. 27120 Lugo. Tfno. 982312080. Fax: 982313011



Cod. Validación: 425ZHNSM342Y3SNPHP22Q7EFQ | Corrección: <https://concellocastroverde.sedelectronica.es/>  
Documento asinado electronicamente desde a plataforma xestiona esPublico | Páxina 2 a 2